

ALVER KOMMUNE
Postboks 4
5906 FREKHAUG**Varsel om kulturhistorisk synfaring - Etterspør dokumentasjon - Ber om utsett frist - Dispensasjon - oppføring av tomannsbustad - gnr. 138, bnr. 9 - Tveiten øvre- Alver kommune**

Viser til brev datert 11.05.2021 med søknad om dispensasjon frå LNF - føremål, for oppføring av tommansbustad (totalt 402 m²), tiltaket krev også vesentlege terrenginngrep. Seksjon for kulturarv i Vestland fylkeskommune har vurdert saka som regionalt kulturminnemynde.

Automatisk freda kulturminne

Ut frå våre arkiv er det ikkje kjend automatisk freda kulturminne eller andre verneverdige kulturminne innafor det aktuelle arealet, men det er registrert fleire lokalitetar med forhistorisk busetjing og gravminne i nærområda. Alversund mellomalderkyrkjestad ligg også i nærleiken. Etter ei vurdering av det aktuelle området, finn vi det naudsynt å gjennomføre ei kulturhistorisk synfaring. Før vi kan gje fråsegn til søknaden, må vi vurdere om tiltaket kjem i konflikt med hittil ikkje registrerte automatisk freda kulturminne eller andre verneverdige kulturminne.

Ved synfaringa vil ein ta stilling til om det er påkravd med ei arkeologisk registrering, jf. kulturminnelova §§ 3 og 11. Synfaringa vil bli gjort så raskt som råd.

Seksjon for kulturarv ber om at kommunen ikkje fattar vedtak i saka, før vi har tatt stilling til §§ 3 og 11 i kulturminnelova i kulturminnefagleg fråsegn.

Den Indre Farleia, etterspør dokumentasjon og ber om utsett frist

Tiltaket ligg innanfor Den Indre Farleia (Askeladden - ID K416), som eit kulturhistorisk landskap av nasjonal interesse og med høg regional verdi.

I kommunedelplanen for Knarvik, Alversund og Alverstraumen er denne delen av Den indre farleia lagt inn under omsynssone bevaring av kulturmiljø, som H570_1. I føresegna § 4.2.4 bokstav b) står det mellom anna følgjande for denne omsynssona:

"Kvalitetane i omsynssona for Den indre farleia skal sikrast gjennom ei restriktiv haldning til større inngrep i form av faste eller flyttbare bygningar, konstruksjonar og anlegg, og til andre større inngrep i landskapet. (...)

Alle reguleringsplanar og større tiltak innanfor omsynssona, som kan verke inn på eit kulturminne eller forholdet mellom kulturminnet og den indre farleia, skal planleggast, prosjekterast og utførast slik at tiltaket har gode visuelle kvalitetar, både i seg sjølv og i høve til funksjonen til tiltaket og omgjevnadane. Det skal takast omsyn ved plassering og utforming, for å unngå negative estetiske og miljømessige konsekvensar. Ved regulering/søknad skal desse innehalde illustrasjonar/foto som i naudsynt grad skildrar den estetiske verknaden til tiltaket, og visualiserer nærverknad og fjernverknad."

Vestland fylkeskommune vurderer omfanget av innsendte søknad som eit større tiltak innanfor omsynssona. Ansvarleg søker må difor sende inn illustrasjonar og teikningar som visar tiltakets

fjern- og nærverknad, og at det blir utgreidd korleis tiltaka vil ta omsyn til verneverdiane i området. Vi ser det som særleg viktig at tiltaka er godt illustrert og vist med plan- og snitteikningar før og etter tiltak, frå ulike retningar. Særleg viktig er det å få vist situasjonen frå sjøsida sett mot sør, samt sett frå mellomalderkyrkjegarden.

Vestland fylkeskommune ber om utsett frist for fråsegn som gjeld den indre farleia til tre veker etter vi har motteke etterspurde dokumentasjon.

Med helsing

Karoline Hareide Breivik
fagleiar

Sigrun Wølstad
seniorrådgjevar

Brevet er elektronisk godkjent og har difor inga handskriven underskrift